

*KINYINDU Heart Book*

MUTIMAA GWUU MUNDU



COPYRIGHT  
ISBN 978 - 1 - 920322 - 41 - 0

E-MAIL: [info@angp.co.za](mailto:info@angp.co.za)  
ALL NATIONS GOSPEL PUBLISHERS  
P.O. BOX 2191, PRETORIA, 0001, R.S.A.

(Une Mission de littérature évangélique financée de dons)  
(Reg. No. 1961/001798/08)

Mutimaa gwuu mundu luuli luusho lwa Mungu, nya Muzimu yanyee alimoo nyi nyoteezi zage: Yohana mutazi 3:4-10

Whee musabhanuuzi wha lin'ibhugu!

Lin'ibhugu litali liyahya. Likaatonderwa kusarangwa bhutaazi mwii kihugoo kya Bafarasa, ikoola ngaa myaka maganaa gabhiri. Lin'ibhugu mira likaalomeekeza bhandu bhihumbhi kyeengee kii migashaniroo mingii.

Likaabha ngaa kiroleero kyaa bhashoosi nyaa bhakaazi, bhakeekwi loleeramo nyuu, kubhees'ubhubhi bhwaabho bhuu mutima ngaa koo Mungu akeebhubhona. Bhingii bhakiibhonaa koo bhali nyii mitima yiidjwir'ubhubhi, bhanyabhudjanda nyuu kubha nyii mitima miyahya, kukuushimbhanaa nyuu kusabhannura lin'ibhugu.

Ee yagaa musabhanuzi wha lin'ibhugu, uukeengeeree koo kiri kiroleroo kyoo wangiilooleraa moo weenene. Ubhee utali mwemezi, kandiri mwemezi, irii ndabhirubha. Ugi bhonaa koo Mungu agweetee agakubhona. Mungu, ataali nyuu lubholo. lidji mutima gwuu munduu, kiryangabha nyii shuusho nyikii.

Muzimu yii shee whuu bhushumi, nahaamwabho whii kizizi, anyali mungu whaa kino kihugo. Akeekwihindulaa ngaa mugandaa whii kyeengee, tii, atali kyeenge, ngaa koo misaliro yaa banduu bhingii igakeesalira. Ali kitobhooloo nawhitumbhaa mahuu. Kiri zeenee kuli bhalaagu bhaagee bhagakeedeetaa

DOWNLOAD BOOKLETS: [www.angp-hb.co.za](http://www.angp-hb.co.za)

ORDER FREE LITERATURE: [info@angp.co.za](mailto:info@angp.co.za)

koo bhali bhaalaguu bhaa Kiristo. Kuutali kusomeerwaa, kulyaa Muzimu yeenenee akeekwihindula ngaa mugaanda whii kyeengee. Bhakolindo bha kabhiri 11:13-14. Muzimu agiziree bhanduu mihutaa ya masu nyaa mageererezo, agweete agahindula bhawengee kuubhaa mihuta lyoo bhatabhonee uu bhwidja bhulya bhuuli mwii nyigirizo za Kiristo. Bhakolindo bha kabhiri 4:4. Bhakagirwa mihuta nya bhandalukoolwaa. Bhali bhaafuu nyii mihutaa ii mbheeree Iya Mungu, kukuushimbha magereerezo gabho nyii myanyaa yabho. Bhaefeso 2:1-2. Iri, bhatangaazi bhuka masu nyuu kubhona koo bhateeresiree. Bhagaateerekaa myaka nyii myakulaa mwii zibha lyuu muliro.

“Kyoo kikaatumaa Mugalaa Mungu agidja mwuu kihugo, asheereezee mikoolwaa yaa Muzimu” (Yohana mutazi 3:8) aho, Mukeengee Mungu, Mulaahiree Muzimu, nyayee agaabhashaga. Mwibhiike muu mabhookoo gaa Mungu nyayee agaabhagashanira. (Yakobho 4:7-8).

Haano, usabhanura lin'ibhugu, nyuu kuuloleekezee ii bhizuzu bhirimoo ly'ugabhona muu mutima gwabhee nyii bhyoshi bhirimo. Ugibhona kuuli nyuu bhubhi. Utaalahiragaa. Whii meeree kuuli nyaalibho. Iri, twaangaalahira koo, tuutali nyuu bhubhi, iri, twiitebha tweeneene, nyaa ndaako yuko kuuli tuuli nyaaliko. Iri, twangalek'ubhubhi bhweetu, Yeehee agaatukooga. Nyiiri, twangaadeeta koo tutashuubhagaa giir'ubhubhi, yahoo tuunyadeete koo Mungu ali mushumi. Nyaa yuuko kuuli tuutaakugweeti (Yohana mutazi 1:8-10). Ee! yaaga. Bhuundaa mwuu kuubhokoo kwaa Mungu, koo kuuli nyii misii yooshi, agaalyoos'ubhubhi bhwabhe nyuu kuukuushuukumbhulaa nyuu mukoo gwaa Yeso Kiristo.

Ewee! Kuu shiziiree Mungu, iri ushiziiree Muzimu? Uli mudjaa whuu bhubhi, iri uli mukozi waa Mungu? Iryangabha mira ukaadjogoomeraa muu bhubhi, utiibhishee! Bhishuukir'imwa Mungu, kulya yuu gaa kushwekulwa kwii ziinaa Iya Yeso Kiristo, ukiidjifaa hanyanya lyuu bhubhi bhweetu, haahoo, mihutaa yaanyaabhona, nya bhali mwii kizizi bhanyakilyookamo. Yeehee, yee ngaabho yetu, nyuu mukoo gwaagee goo gwaa keetuushuk'ubhubhi bhweetu.

Umanyee koo, ul'imbheeree Iya Mungu, agweete agaakubhona, idji migeereerezo yabhe nyii nyooteezi yabhe, indabhyo wangamubhisha, yuu kaabhiik'ukutwiirii, atuuvee, yuu kagir'isu, ataabhoonee? (Nyimbo 94:9). Masuu gaage gali hooshi, idji koo ugaakeeshomolaa koshi, iimwagee itaali bhuubhishamiro (Ayubhi 34:21-22) alozizee bhalyaa bhakyye'imitima (2 Nya 16:9; Yohana 2:24).

Whii naamaa, ulyaa ukaakogwaa bhubhi bhwage, nyuu kuubhishirwaa bhyooshi bhyaa kaagiraa. Kulya Nahamwetu ataakimugadjiru kuteereka, kulyaa ataakiri nyuu bhubhi kand'irii bhulyalya (Nyimbho 32:1-2) Nyimbho 51. Kiri zeenee Yeso agweete agaabuza “Mweeshi, mwee munyeemerwee nyii mizigoo mwidji'imwani. Naani, ngaa bhagwaa nyuu kuubhaluhuulaa. Muunhyigee, muuloolii nyooteezi yaani, nyiirii luuhikuu, ndaali luusinga” (Mattayo 11:28-30)

## 1. KIZUZU KITAZI (PICHA 1)

Kinoo, kizuzu, kyeeresize mutimaa gwuu mundu ukirii nyuu bhubhi nyii misaliroo yuu mukihugo. Atidji koo Mungu bhiribhiki. Kinoo kizuzu, kirii ngaa kiroleroo kirya kyeeresizee shuusho zooshi ziri mwuu mutima guuno mundu.

Masuu gage gaalakwiree. Koo kudeeta kwaali mulaalwee (Migani 23:29-33). Ewee! Indee! Ugaakegendaa agigaanaa nyaa mulwii whii ndambhalaa nyii bhihoonyoohonyoo? Mulaalwee. Utakoolagwaa mbhuu ukegend'ilalaa ahali mukeengee gwaa mavuu. Utaabhee ndasigaa bhusingulee.

Mwuu mutima gwuuno mundu, muli shuushoo nyingi zuu bhwanyama. Zoo zeeresize kuuno mundu ali nyuu bhubhi. Kulyaa mwuu mutima gwuu mundu, muli magereerezo gwuu kutebhana, nyuu bhwitani. Indyee wangaa gumanyaa. Koo Mungu akabhwira mulagu Yeremiya (Yeremiya 17:9). Yeso nyayee anyadeeta koo mwuu mutima gwuu mundu, muli mageereerezo mabhi: nyago goo gaagano: bhushuulee, bhuzimbhaa, bhwitani, nyifindjo mbhi, bhulyalya, bhulilingaania, bhuteebhani, kusuluulaana, kudakiirana, kwibhoona, bhuzeezee, bhooto. Bhinoo bhyooshi bhilyoosiree mwuu mutima gwuu mundu (Mariko 7:21-23).

1. Ii KANGAA : Kano kaanyonyi kali nya mashala midja bhwenene. Keeresizee bhubhi nyaa mahundu, kand'iri kwibhona. Mahuundu gali mabhi bhwenene. Whidji koo Muzimu alii ndoni ya Mungu. Tii, iri akigiraa koo akolaa agabhaa ngaa Mungu. Mungu anyaa mufufumeeka (Isaya 14:9-17; Ezekiel 28:12-17). Bhutazi Muzimu atali muganda wali nyi: kizizi.



Mahunduu, gaakeekwi jeereesa mwii shuusho nyingi. Bhandu bhangi bhaakeekwigana koo bhali bhagale, bhali nyii bhindu bhangi; ngavu, mbhenee, bhibhuzi, ngumbha nyii ndaloo, mbhoo baganyakeekwambalaa kuhima bhandi bhoshi, koo bhanyali bhadukulaa. Nyaa bhandi bhakeekwi ganiraa mulala gwabho, lukeengee nyuu bhwengee bhwabho, kandi bhali nyii misi yuu kukol'imikolwa, bhwidja bhwabho nyuu kubha nyi bhindu bhangi. Hali yabho bhandu bhakeetula matwiiri, kwii shaak'ishakoo malangaa goshi, nyuu moyo goshi. Mungu, khuu khuubhumbh'umundu, akamwengeerekeeza ngaa koo anyali. "Whii mitundee, Mungu, akeemwandagaliza, nyuu muleembhu ngaa luhiikuu, anyamuteeramizee" (1 Petero 5:5) Mungu, ashoombhiree mahunduu nyi mishingoo (Migani 8:13) "Kwiituundulaa, kwakeekwisa, nyuu mutima gwu'lushunguu, gwaa keekiza" (Migani 16:18).

2. KABWAA. Kabhwaa, keeresiz'ubhushuleehi. Kulya, mushuleehi, atakeendekeeraa atazishuleehaa kandirii atazishulehwaa. Zino siku ziikolibhihire bhwenene, bhatabhana nya bhanyeree, bhakolibwinee koo kuushuleehaa gali ngaa mashata. Kiri bhasosi bhoo bhunyumbhaa nya bhakazi bhaloobhwirwee bhagwetee bhagasheeza nga kabhwa. Kiri nya bhakana nyabho geeke.

Bhubhi bhwa bhandu bhii Sodoma mira bhahuukira bihuumbhi nyi bihuumbhi, ngaa koo Yeso akaadeta mbhoo, siku nzindaa kugaabha ngaa kookwaali mwii kihugo kii Sodoma. Bhavira nya Bhanyindu, bhakeebhuza mshuulee koo kali kabhwa. Nyaa Yohana nyaye geeke anyabhiteda kwi'muhandaa lya nyako kaya kuu kuungubha yali; tuubhwa, bhalozi, bhashuulehi, bitanii nyaa bhalya bhoshii bhali nyii mianya mibhii, bhatangingira mhwuu bhwami bhwa Mungu (Bwigule 22:15) Mtaakolagwa bhoo mubhe bhashuulehi. Kulya, bhubhi bhooshi bhoo mundu akeegira, bhuli kwii misaliro yage. Tii, kushuulehaa, kuli mwuu muko gwage. Yabho bhoshi bhakegir'ubhubhi. Mungu agabhalibhuza (1 Bhakolindo 6:18-19) Mwiyeke, mukoola Lusho lwa Mungu. Mutakolagwa bhoo, mubhik'ubhubhi mwaa yuloo Lusho (1 Bhakolindo 3:1617) kandi (1 Bhakolindo 6:15-20).

3. NGULUBHE : Ngulubhe yoo shuusho yuu mulaalwee, nyii mituundwee yage. Igaakekwiigiriraa ngakooiroozee, bhyooshi yashangananaa bhoo nyabhulye bhwalio. Itangaaloondol'ibhibhi nyii bhidja. Halii bhandu bhangi nyabho bashusir'ingulubhe. Bhaker'inyamafu, nyama zifiiree nyii ndwalaa, bhanyakeelyu'mwambha, mbheebha, ndjoka, nyuu bhundi bhwa bhizimu bhulya bhuli bhwidja kuu kulya. (Ngoolezi 15:20 nya Isaya 66:3-17) Mitima nyii mioyo mukaheewa nya Mungu. Mutumeeneeni kugikoolesa ngaakoo musimire. Bhulalwee, kuunyw'itabhi, irambhaa nyii kimogee. Yibhyo bhyoshi Mungu atabhisimiri. Muzimu yuugakeebhahwiraa mbhoo, mugire kuukoo nyuu kubhashweki'migozi yuu bhulalwee. Tii, mumanyee koo Mungu agabhalibhuzaa (Migani 20:1). Musa, yehee akadeeta mbhoo, iri wangabhutu'umwana mulalwee nyuu mushuulehi, kandir'atasimbhahire Ishee nya Ninna. Mwana mwenuyee, umeenenee kukaabhulwa maawee nyu kunigwaa (Kengeera 21:19-21). Muganii wa mavuu, muguzii wa mavuu nyuu munywii wa mavuu. Ndjira yabho yoo nguuma yooke. Mundu akaadetaa koo bhuhany'imwabho (Isaya 5:22). Bhuhanya bhwa bhalya bhakeegulira bhirabhoo mavu, kulya bhagwetee bhaabhah'ubhoge (Habhakuki 2:15). "Mtaateebhwe, bhashuleehi, nya bhalya bhaa keekwikuumbhi'ishaangaa, bhazimaa, bhalalwee, bhudukanii, nyaa bhanyazi. Bhaatangingiraa mu bhwami bhwa Mungu" (Bhakolindo 6:9-10).

Ngoolezi zuu moyo zoo zizino: Bhushuleehi, bhushashaa, kulaguzaa, bhuloozi, bhugomaa, ironwee, bhoongwaa, bhukali, musimaa, lubhooloo, bhwagaalwaa, shoombhoo, bhulaalwee nyuu kwiigutirira, nyaa kaazii bhindii bhishuusheenee nya bhinoo bhideesirwee haanoo nyuu kubhigiraa, bhataangingiraa muu bhwami bhwa Mungu (Bhagalatiya 5:19-21). Mutakeelalukaa mavu, tii, mwidjuuzwee nyuu Mutima Mweru, (Bhaefeso 5:18). Yeso yee shyooko yaa kalamo, abhuzizee bhandu bhoshi bhalya bhali nyii nyootaa, bhidjee bhanywee (Yohana 7:37) bhuuli nyii nyootaa, whiidji'lwidjii, whuu tagwet'indjumaa, whidjee nganaa, ulyee nyuu kwiguta (Isaya 55:1-2).

4. **KABHAANGAA** : Kabhangaa, kashusheenee nyuu bhugazii. Mugaazi, atakeeshwira kandu duubha duubha. Iizina Iyaagee yi'itondoo lithayaa ngi'ideekere. Nyuu kuutimeeraa bhoo bhulozi. Mugazi, ali nyi nyootezi nyiingi zaa mageererezo. Hwaangaa hiingaa, anyasimee kwigiraa muzimbhaa. Nyirii, wangaabha mugazi whuu kutaakoola, waangaakibhaa mweitani, kulya utaangaakihashaa kwikuumbha Mungu nyuu kwingiraa mwuu lushoo. Mugazi, kiri angashungulwaa, anyakebhona ngaa bhusha. Bhugazi, irii ndwalaa yuu mutima irya itakeelooza bhuu tuusabanuulee ihuguu Iyaa Mungu, kulya moo muuli kalamoo keetu kii miaka nyii miakula. Uye'itoondoo, alii whuu kutuuziibh'ibhishaazi bhyeetu, mbhuu lyoo tuuteereka. Irii Mungu angaakubhwiraa mbhuu, umuheez'umutima gwabhee zeenee, namugoomoraa anyakuubwhiree mbhuu nangaa, ulindiree sheezi, kand'irii lundi lusiku. Naabha mbhii kulya yeeshi ugwetee uguviiriz'itebho. Tii, ugakeerezaa kwimeeraa Mungu! Unyidji koo lufu luuli hasi. Nyaabhe kutee ugaafaa utanyiimeraa Mungu, kiri kumanya Yeso. Mungu, akubhwiziree koo, zeenee, irii wanguva'izuu Iyage, utaabhagaa nyaa kaguugu" (Bhabheraniya 3:7,8).

Utakoolagwaa mbhuu, ukeekwaambhalaa igaambhaa Iyaa kabhaangaa, kulya lyoo bhaloozi bhakeeloga moo. Utanyikuumbhaga yiiryo igaambhaa. Ukeekwikumbhaa Mungu ulya ulii nyaa kalamo kabhe. Bhingii irii bhantalwala, mageererezo gaabho, irii gaakoola khwuu kuulaguza, kwiikumbhaa bhazimu, kwaambhal'ishangaa nyuu bhundii bhwa tupigi. Mungu koo kalamo kabhe Yoo nyaa kaagweetee mwaa mabhooko gaage. Mumeenene kwimeera Mungu Mukiza wabhe. Mungu, anyabhwira Bhaisraeli "Mbhuu, mutaleekagaa uu muluzi alamee" (Kulyoka 22:15). Mutakoolaagwaa mbhuu mukeetangaa bhana bhenuu bhatabhana nya bhanyeere, kubha miengo yaa muzimu. Mutaanyaakelaguza, mutaakeebhand'inyungu, mutaakeekwikumbha bhazimu nyuu kwikuumbha bhalyaa mira bhakafa.

"Kulya yiibhyoo bhyoshi, Mungu abhishombhiree wenene" (Mikeengeero 18:10-12). "Mutakoolagwa mbhuu, mubhuuzee malele, kandirii bhalozi, kulya bhangaabhashoombhekanaa nya Mungu. Nee neenee nyee Mungu wenu, ndaye gundii yeeshi utaalusire" (Bhalawi 19:31). "Ulyaa mundu yeshi, ugiikumbhaa malelee nyuu kulooza bhalozi alale nyaa libhoo mbhuu lyoo bhamuhaa kalamo. Uyee mundu ndakii mulii koo. Kulyaa nyeeneenee yee Nahano Mungu wenu" (Bhalawi 20:6,7). Mukiza whuu mutima nyuu moyo, aliye Yeso Kristo yeeneene. Yee wangaatukooga nyuu kuutukiz'indwalaa zetu. (Nyimbo 103:1-3). Iryaangabha muguumaa wenu, alii mulwazi. Umeenene abhuuzee bhadahwa bhuu lusho Iwa Mungu bhidjii kwikuumbha hanyanya Iyage kwii zinaa Iya Nahamwetu. Nyaa yukoo kwikumbhaa kwaa kalangalizi, kwaa mukiza nyuu kugwata mwaa kati. Nyiri alii huubhiree, agakogwaa. Muukeekwibhuulaa mwenenee khwuu mwenenee, nyuu kwiikumbhirana lyoo muganyakira" (Yakobho 5:14-16).

Hanoo, usabhanuraa lin'ibhugu, Iyuugaanyaabhona koo Mungu, akuubhwiraa mbhuu, ulek'ubhubhi bhwabhe, utanyimeeraa kiir'izuu ligweetee ligakubhwiraa mbhuu utimeere Mungu Utakoolagwa, Itoondoo litaahyaa ngii deekeere, nyaa sheezi aasheezaa bhingii nyaa bhani. Imeera Mungu, nyabhe ugaabha nyaa kalamo kii miaka nyii miakula.

5. **IINGWII**. Iingwii, iri nyamaa ngali, isimiree kulyaa mukoo. Ishuusheenee nyuu mundu whuu bhute, katima nyuu kuzizika. Inoo yoo shushoo iri muu mutimaa gwuu mundu. Mundu whuu bhutee nyaa katimaa, alii duubha kusheerezaa nyuu kwiita. Mundu whuu mutimaa gweenee yuugu; ali milaalwee nyuu munywii whii kimooge. Bhandu bhuu bhoobha. Bhakeesimaa bhilaalukiree Iy'ubhoobhaa bhusira.

Lyyo asheereezania. Ee, yaaga. Utaakoolagwaa mbhuu whihoolee. Uleekeere Mungu yeeneene, agaakwihooleera. (Migeererezo 32:33, Bharumi 12:31). Tuusimee bhalyaa bhatuushoombire, tunyaabhakooge. Lyyo Mungu nyeetu agaatuukooga (Matayo 5:44).

6. **NDJOOKA**. Ndjooka, kyaali kiziimu kidjaa bweenene mwii bhiziimu byooshi Mungu akaadeete mbhuu bhibhee mhuu kihugo. Kyoo kikaagtebha Adamu nyaa mukaagee Eva, nyuumoo mundaloo yaa Edeni moo Mungu alibhabhisiire. Anyaa bhiitir'ulaagano nyuu bhusimee nyi'tundaa Mungu alibhaheere.

Muzimu, alii nya katiima kulyaa akabhoona koo Mungu, alisimiree unoo mushoosi nyuuno mukaazi, nyuu kuubhaabhwira mbhuu bhino byooshi bhyuu mukihuugoo, abhiloolokeezee. Kirii nyaa kalamoo kaabhoo kii miaka nyii miakulaa Mungu yee waliikaagweetee. Kwaangabhaa nyaabhe ulii nyaa katimaa hanyanyaa lyaa bhalyaa bhooshi bhaakagaasha nirwaa nyaa Mungu. Unyaali mukoozi wa Kilisto, ukaabhoona koo Mungu agashaniiree bhandi nyii mikoolwaa yaabhoo, unyaabhe nyaa katima kaa yiyibhyoo bhyage, ngaakoo Muzimu akaabhoona katiima hanyanyaa lyaa Adamu nyaa Eva. Katiima, kaakeekudeetera misaliro mingii mhwuu mutima gwabha. Migeererezo yoongoo yoo yiino: Khuuwiraa bhandii mbhuu bhali bhaaloozi, bhumeenene bhafye bhabhiisigee yaabho. Uli nyaa katimaa haashambhr'ushoshi nya mukaage bhit'ubhumbha wabho nyaa kalamoo kabho. Waa kaguugutimaa nakuuzimu (Karongo 8:6).

7. KYUULAA. Kyuulaa kyaa keerondeez'ubhuulye bhwege mwuu kuuzimu. Kiishuusheenee nyuu bhuhhi bhoo kwisimaa, kuusim'indjumaa kandirii mageeta. Lyoo isiinaa ly'imbhutoo zuu bhuhhi bhoshi (1 Thimoteyo 6:10). Bhandi bhaandu bhakeedeeta mbhuu bhyuullaa bhii Kongo, bhyakeelya kashwaa, iri bhiguutaa bhyanyaabhereekaa mabhundaa. Malyoombhee, atangaasima aheezee bhakeenee nya bhalya bhagweetee bhagiifidja. Unoo munduu, akeelooz'ubhugalee kwii ndjiraa ziituumeeneeni, kuukhulu nyuu bhulyalya, mulilingania, akeesimaa bhoo bhyoshi bhiri muu kihugo, bhibhee bhyage, atidji koo kashwa nyaa bhazimbha bhali hoo. Tumeeneene twibhikiir'imihako khoo ngubhaa, aahatagahika bhazimbha nyaa kashwa (Matayo 6:19-21). Tuutaabhe ngaa Akani nyii nyumbha yage, bhakaabhifaa koo Yoshwa 7, Yuda nyaye, akaaguza Yesu kwii ndjuma makumi gashatu (Matayo 27:3-5).

8. MUZIMU. Yeeneenee yiishee whuu bhushumii nyaa bhashuumi. Yee mungeeree waa zinoo nyama zoshi zirii muu mutima guunoo mundu yee nyaa mwami wabho. Yesu anyaa deeta "Mulii bhana bha Muzimu, nyaa mageererezo geenu, ngali ngaa gaa Muzimu, Yehee, ali mwitaani kulyookera bhutazi, atali whuu kuli, kulyaa kuli kutali mwii migereerezo yage. Iryangaabha akol'agadeet'ubhushumi, ataakeeramabhaa kwii miromo, kulya yiishee whuu bhushumi" (Yohana 8:44).

9. LUU TONDEE. Gali ngaa mageererezo midja galyaa gali muu mutima guu mundu. Kwaa kinoo kizuzu. Migeererezo yuu mundu, yiirubheeree nyii kiziizi kyuu bhuhhi, kyoo kinyatumiree atangaakolaa ngoo kwaasimire. (Bhaeberania 10:22; 1 Thimoteyo 4:1,2).

10. ISUU. Isuu Iya Mungu, ligweetee ligabhonaa hooshi Indaako kandu kooshi wangaabhis'imbheeree lyage, kulyaa bhyooshi bhrii geereere geereere iimwage. Mungu, idj'inyooteezi yabhe nyuu kushoomola kwabhe. Bhuhhi bhoshi bhugaakeegira, bhushigii, kandirii bhuhbhisshaamia, Mungu agweetee agaabhona. (Nyiguliro 1:14; Turongo 139:7-12).

11. MUGAANDAA WA MUNGU. Mugaandaa wa Mungu, ali nguulya whuu kuugeendaa agadeet'Umwazi gwa Mungu. Goo, agweetee agabhaalira bhandu bhalya bhakateebhwa nyaa Muzimu. Nyaabhe, mweenee weetuu, utaatebhwee nya Muzimu.

12. NGWAALIMBHAA. Kali kaanyonyi kidja, kadeekeerezee, kaatali nyaa mahuundu, yoo shushoo yuu MUTIMA MWERU. Mutima guu kuli, gulyaa guugweetee guugeeresa bhandu bhuhhi bhuli muu kihugo, nyuu kuubhaabhwii'ruu bhwidjaa bhwa Mungu, nyuu bhulibhuzee toondoo bhugabhaa. Kwaa kinoo kizuzu, Mutima Mweru, guul'imbhuga. Gutangabheraa ahaali bhuhhi bhoshi.

13. SHAASHEE ZUU MULIRO. Zinoo shaashee zuu muliro ziisoosiiree guunoo mutima gwuu mundu huuu bhuhhi. Zeeresizee luukongo Iwa Mungu, luulya luusoosiree mundu huuu bhuhhi. Mungu atakesimisiwa nyuu lufuu lwuu mundu huuu bhuhhi, tii, akiimeera nyuu kusigu'ubhuhhi, lyookee anyabhe mwira wa Mungu. (Matayo 18:11). Ezeieli 18:25! "Ii mbingu, kigaabha kisheendo, irii mundu mugumaa huuu bhuhhi, angiiimera Yeso kubhaa Nahamwabho" (Luka 15:7).

Mungu asimir'ukushuuku'umutima gwuu mundu huuu bhuhhi, khuuu mukoo gwaa Yeso Mugalaa wagee. 1 Yohana 1:7-9 ! Kandii, zinoo shaashee zuu muliroo. Ziirii nguu LUKONGOO LWAA NAHAMWETU YESO, ukaatusimaa nyuu kwidji tufiira. Wagalatiya 2:20 ! Lukogoo Iwaa Mungu, luuliindiree kwingiiraa mwaa yugoo mutima guukaywiire nyuu kuguukalusaa Yeremiya 17:9-10. Bhwigule 3:20. Ee wee musabhanuzi ! Irii ukiri mwiiyo misaliroo. Yeso, iimaziree haluuso lwuu mutima gwabhe umwiguulire, aagingira nyuu kukushukuumbhula.

## 2. KIZUZU KYA KABHIRI (PICHA YA PILI)



Kinoo kizuzu, kyeereesizee ulya mundu ukooli loozizee kuusig'ubhubhi bhwage nyuu kulozaa Mungu. Mugandaa wa Mungu, afuumbheet'umugushu mwuu kubhookoo kwagee kuguuma. Guunoo mugushuu, goo Mwazi gwaa Mungu, gulya gulii nyaa kalamo, kandi gulii nyii misi, kandii gulii nyuu bhugii kuutaaluk'ubhugii bhwoo mugushuu, gwaa nyaa keeshoshomeeraa kuutaluki'isingamizi, nyuu kudjoongololaa mashushii gooshi guu moyo, goo gwaa nyaa keemanya mageereerezo guu mutima guu mundu. (Bhaeberania 4:12). Mwazi gwaa Mungu goo gweeresizee koo luheembho lwoo bhubhi, luuli lufuu (Bharumi 6:23), kandi goo gudeesiree koo bhandu bhooshi bhaagaafaa, nyu u bhuzindaa kuulibhuzi bhwa (Bhaeberania 9:27). Bhabhi nyaa bhalya bhatiimeezirii Mwami Yeso "Bhooshi tuubhaaloondeezee mwii zibhaa lyuu muliro" (Bhwiguloo 21:8).

Uyee, Muganda wa Mungu, mwuu, kuulyoo kwage, afuumbheetee kaadjadjata ki'itwee lyuu mundu, ulyaa miir'ukafaa. Koo kukeengeerez'umundu hwoo bhubhi koo toondoo tweeshi tugaafaa. Gunoo moyo gwetu, uu gugweetee guuga, tuuteebha, tuu gwaambhikee nyuu kuguushuka. Tuumanyee koo tugweetee tugaa teer'ibhishazi. Tugaafaa, guunyaabhole, nyii mifuuzii, iigaagulya. Tii, mutima gweetu, guugiimaang'imbheeree lyii kittumbhi kyuu bhulibhuzee bhwa Mungu (Bhwigulee 20:11-15).

Kwaa kinoo kizuzu kyaa kabhirii. Unoo mundu hwoo bhuh-hi, akooli gweetee aguviriz'uu Mwazi gwaa Mungu, gulyaa guugweetee guu gaa mweerees'ubhubhi bhwage nyuu kuu mweereesaa, uu lukogoo lwa Mungu. Mutima Mweru, guukoligwete gugaloomesa mwuu mutima gwage, nyii kizizi kyali moo, kyanyahindukaa kyenge. Lukogoo lwa Mungu loo lukabhikii ngulumiraa mwuu mutima gulyaa gwali kaywiire. Nyaa bhulya bhwa nyama bhooshi bhushuusir'ubhubhi, bhwanyishagira.

Ewee, mwene wetu, uli mwu'ubhubhi, heezaa Nahamwetu Yeso kiiziki mwuu mutima gwabhe, nyayee yeenene kyoo Kyeenge kyuu mwuu kihugo, agahiva yikyo kizizi nyii misaliro yoshi, ngaakoo akagira kwaa kinoo kizuzu kya kabhiri. Yeso a'kadeete kukuno. "Niee, kyeengee kyuu mwuu kihugo, ulyaa yeshi uгаа ndjimbha, atagakishomolaa mwii kizizi, tii, agabhaa nyii kyeengee kyaa kalamo" (Yohana 8:12). Namaa mbhii, kwaa bhalya bhoshi bhasimir'ikizizi nyuu kushoombh'ikyeengee, nyuu kwiguulira bhulya bhwanyamaa bhoshi bhwingiiree mwii mitima yabho! Hwoo meenene ubhee lusho lwa Mungu, lulya luuli nyi kyeengee. Lusikuu lugumaa, Yeso alileenge iyo munda ii Yerusalemu, anyingiraa mwaa yulo lushoo lwa Mungu, anyaa hivaa bhalyaa bhoshi, bhali keeguzaa nyuu kugula, nyaa bhali kee kaabh'inyumaa, nyaa bhandi bhalya bhali kee guz'ikwaalimbhaa, anyaa bhabhwira. "Kuukaa sarangwaa koo: Nyumbhaa yaani, igabhuziwa nyumbha yuu kwikumbhira moo, tii mwehee, mira mwagihindula kaakola kaguliro kuu kunyagira moo" (Matayo 21:1213). Nyumbha goo moyo gwabhe. Yeso, agtakidja mbhuu, atukoog'ubhubhi bhwetu nahoo, tii, nyuu kuutushwekuulaa tulyaa tubhangiro too Muzimu ali tushweesire. "Iryaangabha Mungala Mungu (Yeso) mira, atuushwekulaa, indaye kandi wangaa kii tushweka. Tukola bhashweekulee" (Yohana 8:36).

## 3. KIZUZU KYA KAASHATU (PICHA YA TATU)



Hano, hatweeresizee u mutima gwuu mundu ulya mira ukaleek'ubhubhi bhwege. Unoo mundu, akabhona koo bhuhhi bhwege bhuli bhwingi bhwenene, nyaa kwidji Yeso akidja kumufira kwa kati kaa mahagi, hanyanya lyaa yubho bhuhhi bhwege. Ulyaa Muganda wa Mungu, uli nyii shusho yuu Mwazi gwa Mungu, agweetee agamwereesaa yako kati kaa mahagii, nyirii, angakabhoonaa, mutima gwage guu nyaa shuushiirwee. Nyuu Lukogoo Iwa Mungu lulya Yeso Kristo akeeresa, Iwaa nyaa mushagalus'utima.

Hahoo, anya kengeera koo Yeso Kristo, Mwana Bhuuzi wa Mungu, akidja mbhuu amulyosee mwuu bhuhhi bhoshi ali nyalibho. Yeso, anyiimera kufa kwaa kati kaa mahagii! Irii akeengera yuukoo, anyuva koo mutima gwage gwadeekeerera mwindaa. Mutima gwuu mundu hwuu bhuhhi, anyiyodjookola, nyuu kukeengera koo Yeso akashuuzibhwa nyuu kwaambhazw'ikimani kii mishomwa, kuu koomeererw'imambhoo mwaa mabhokoo nya magulu, nyuu kunaaganikwaa kwaa yako kati kaa mahagii hanyanya lyuu bhuhhi bhwege. Anyaa bhon'u Mwazi gwaa Mungu nyuu kuguvirizaa, anyiibhona mwii kiroleeroo kyaa Mungu, koo ali mubhi mundu hwuu bhuhhi bhooshi, anyaa goongomwaa, anya toondeera akoligweetee agalira hanyanya lyuu bhuhhi bhwege nyaa Mungu akoli mweegeerere bhwenene; Nyimbho 51:19.

Lukogoo Iwa Mungu nyuu mushengeera bhyanyingiraa mutima gwage, kubhona koo akashuukw'ubhubhi bhwege nyuu mukoo gwaa Yeso. Anyaa keengera koo Nahamwetu, idjii bhalyaa bhaa gongoomerwee nyaa bhali nyuu mushuuzaa (Nyimbhoo 34:19). Akeekizaa bhalwazi nyaa bhaagalisiire akeeshwek'ibhihandoo bhyabho (Nyimboo 147:3). Mwazi gwaa Mungu gudeesiree khuukuno. "Niee Mungu, ngwetee ngalolaa ulya mundu hwii gongoo, hwuu kudjugumaa, iri anguvaa u Mwazi gwani" (Isaya 66:2).

Mutima Mweru hagumaa nyu lukogoo Iwa Mungu, anyingiiraa muu mutima gwage, kulya akolaa bhweeru bhudjembhee, nyuu kwiiyoteraa moo. Mundu akolaa nyaa kalaangalizi kwaa yakoo kati kaa mahagii nyuu mukoo gwaa Yeso, gulyaa gukaabhulagika kuu lyos'ubhubhi, anyaa tondeera agabhona koo mira akaakogwaa kaazi bhyoshi bhyuu bhuhhi bhoo alikeegira, Yeso Kristo Mugala Mungu, akabhihotola (1 Yohana 1:7). Irii, wangimeera Yeso, utangaaterekaa, tii, ugabha nya kalamo kii miaka nyi miakula. (Yohana 3:16; 1 Bhakolindo 6:11). Uyee Yeso, kuu mukoo gwage, tukiizibhwe, tukaakoogw'ubhubhi bhwetu, kushimbhaanaa lukeengee lwage (Bhaefeso 1:7).

Unoo mundu, akolaa nyuu mutima muhyahya, atakisimirii kandi bhyoshi bhyuu muu kihugo, akoligweetee agasalira bhyoshi bhii mwaa Mungu, kulya yee ukidjuuz'ulukogoo lwage muu mutima gwage. Bhulyaa bhwa nyamaa, bhoo bhuhhi bhwege, bhuukool'imbhuga, tii, Muzimu yenenee, atasimiri kuu huluukaa nyuu kuugenda, akigweetee agakeebheegana, nyuu kusalira koo agaakishubhiraa muu yee mundu. Kyatumaa lusarango, lutuubhwiziree kukuno. Mwiikumbhee nyuu kutahuniiraa gonegone, mulwisee uyee mugomaa whenu Muzimu, nyayee agabhashaga (Yakobho 4:7; Matayo 6:41).

## 4. KIZUZU KYA KANEE (PICHA YA NNE)



Kinoo kzuzu, kitweeresizee mukilisto mugumaa ulyaa miraa ukabha nyuu mushengeera kulya Nahamwetu akiitaangaa ngaa miengoo, Mukiza wetu Yeso Kristo. Atakibhwini bhundi bhwidja bhoshi kotaluka yako kati kaa mahagi kaa Nahamwetu Yeso Kristo, kulyaa kwaa yako, akalibhuziwa nyii kihugoo, nyaa bhikihugoo nyabho bhanyalibhuziwa (Bhagalatiya 6:14). Mwu mutima gwage, mira akamanyaa koo. Yeso yeenene yuu kaabheetul'ubhubhi bhwetu kwaa yako kati kaa mahagii, mbwiri twaangabhaa bhafu hanyanya lyuu bhubhi, tubhe bhahgumana bhuu kuli (1 Petero 2:24). Mukilisto huuu kuli, mira akalibhuziwa muna muu kihugoo. Tuuhwiziragwee kukunoo. "Tushoomolee kuu Mutima Mweru tutakiibhemolee mwaa mageererezo gwuu moyo" (Wagalatiya 5:16) kandi Wagalatiya 5:17-25! Kandi, tuhwizirwee mbuu, tuloozee bhweemeezi bhuuu kuli, kulyaa iry'angabha tutali nyalibho. Tutangabhona Mungu (Bhaeberaniya 12:14). Mwaa kinoo kizuzu, ugabhona moo lwingoo loo bhaka muteeramiya nyaalo, nyuu bhodjogoloo, iryabha mira bhahogolaa Nahamwetu Yeso mirondoo yage. Gekee, ugabhon'iminiafu yoo bhali kee muniafula nzigo zaa liyoo, kulya akalibhuziwa bhwenene (Isaya 53:5).

Mwami Pondiyo Pilato nya bhandu bhage, bhanyakee mushekeera nyuu kumugoofulaa, bhanyaa mwambhazaa kamimbhi. Bhanyaa luk'ikimani kii mishomwaa nyuu kuumwambhikaa kwii twee, hoo bhaangaa mwambheez'ishungwee lyaa kalibhwami, bhanyaa mutfuumbhas'umulongee mwuu kuulyo, hoo bhangaa mutfumbhasizee ifumoo lyaa kalibhwami. Bhanyaa mufukamiraa, bhanyaa keemushekeera, nyuu kudeeta; "Musingoo Mwami waa Bhayahudi" Bhanyaa keemumesheraa, bhanyaangaa gulya mulongee, bhanyaa keemushangulaa mwi'twee. Iryaabha mira bhamuteeraa kahoogo, bhanyaa muhoogola gulya mulondoo gwaa kamimbhi, nyuu kumwambhaaz'imirondoo yage, bhanyaa geendag'imulibhuzaa. (Matayo 27:27-31).

Bhimeezi bhangii, bhakolibha bhemezi bhii zinaa, mwuu luusho, bhakeekwikumbhaa, kwiimbha, kuulyaa bhulyee bhwi fushakoo za Yeso, tii, mianyaa yabho yuu bhubhi bhatakaagireke, bhagweetee bhagashuuzaa Yeso kabhiri. "Ataali kiraa mundu ugaakeedetaa, Nahamwetu, Nahamwetu, yee tondoo, ugingiira mwuu bhwami bhwa Mungu, tii, ulyaa yeeshi, ugaakeegiraa ngaa koo Mungu aloziize, yuu gingiiraa mwuu bhwami bhwa Mungu. (Matayo 7:21-27).

Mwaa kinoo kizuzu, mwaalii geeke'ishaho ya mageetaa goo Yuda akaaguza Yeso. Yaagoo mageetaa, gakamugiraa kihoofuu kyuu mutima, aleeki bhon'ubhubhi bhwage. Mulii geekee kamoolee, bhodjoogoloo nyuu bhundi bhushaashaa bhwingi. Yii bhyoo bhyoshi bhyoo bhasirikani bhaali geendenee lyoo bhali geendi gwaatgaa Yeso. Bhaa nyaa keebhina kulyaa miraa bhagwataa Yeso. Iryaabha miraa bhamulibhuuza, bhanyaa muhoogoolaa luyaa luusesemaa lwage. Bhanyaa lweesh'imbhalee. Kunoo kooshi kukaabhaa, hanyanyaa lyuu kukeengeeraa koo bhikaa sarangwaa. "Bhaakagabhan'imirondoo yanii, nyuu kuugyeesh'imbalee." (Nyimbhoo 22:18). Musirikani mugumaa, anyaa mushoosh'itfumoo mwaa mahahaa, haa nyaalyok'umukoo nyaa medjii (Yohana 19:33-39).


Iryaabha LUHAZII, luataazii bhiikaa, Petero, anyii shaambhaaguulaa Yeso, mbuu ataamwid'imbheere lyuu mukaazi nyaa bhanduu bhangii, hanyuuma anyaa teer'imireengee (Matayo 26:69-75). Wee musabhaanuzi whino miazi. Utimeezirii Nahamwetu Yeso, kwii bhinwaa nyii ngooleezii?



Utaa nyoobhohirii koo wangaamwimeeraa? Yeso yeenenee akadeetaa “Ulyaa mundu yeeshi, ukaa ndaahir’imbheeree lyaa bhandu, nanii ngaa mulahiir’imagaangaa gaa Data ulii kuu ngubhaa” (Matayo 10:32,33). Kandi, Yeso anyyaa deeta: “Ulyaa usimiree kuudjimbhaa, irahiire yee neenee, ibheetuuzee kalyaa katii kaa mahagii, andjimbhee” (Matayo 16:24). Nyi’iryangabha, ataasimirii kubheetuulaa yakoo katii kaa mahagii, ataanzimisizii” (Matayo 10:38).

Lwaalaa lukaa hiirimaa, Mwindaa lyaaloo mbhishamiree!  
Meedjii yagoo, mukoo yuu goo, bhyali lyookaa mwaa mahahaa gagee.  
Bhibhee mutii guu kukiiza Mutima gwani nyuu bhubhi!

## 5. KIZUZU KYAA KATANOO (PICHA YA TANO)



Hanoo, haatweeresizee mutima gwuu mundu ulyaa miraa ukaleek’ubhubhi haanyaanyaa lyuu lukoogoo lwa Mungu. Anyibheeraa mweeru bhudjeembhe. Mutima gwagee guukolaa luushoo lwa Mungu. Moo, Mungu Daata, Mugala wagee nyuu Mutima Mweru, bhabhisir’ikiziki, ngaa koo Yeso akaa deetaa “Irii mundu angaa nzimaa nyuu kwiimeeraa koo ngaa deetaa; Daataa anyaa musimee, tuunyidjee nyuu kuu bhuudaatal’imwage” (Yohana 14:23). Uu kuli, uu kuli, mwuu Yeso Kristo, Mungu akeeteramiz’umundu nyuu kumugashanira bhwenene (Luka 1:52).

Mutima guu koolaa luushoo lwa Mungu wa kalamoo, Bhubhi bhuu kaa hootolwa bhoshi. Nyaa hoo bhulyaa bhwa nyamaa bhwa Muzimu bhwalii kooteree, Mutima Mweru yuu kooli hootereee, kuuguumaa nyaa Mungu Daataa nyaa Mugalaa wagee Yeso. Bhutaazi gunoo mutimaa gwaali nyii bhishaashaa bhii kizizi, tii, leeroo guukoolaa ngaa ndaloo iryaa yeezizee bhweenenee, ngaa kalyaa katii kaa djoozisiree. Nyaa yubhoo bhuu tolee goo Mutima Mweeru, miraa gwaa bhika mwiindaa lyagee: bhusimee, musheengeeraa, bhuleembhu, kuu kiiraa, bhwidjaa, kwiigeenderera, ndolaa ndolaa, nyii bhindii bhangii bhishuusheenee nyaa yibyoo bhyuu kusiimisaa Mungu nyaa bhandu.


Unoo mundu, akoolaa ngi’itabhi lyaa kalyaa katii kaa djoozisiree bhweenene, akooli shuusheenee nya a Nahaamwetu Yeso Kristo. Irii usimiree kumanyaa koo mukristo akeedjoodjeekaa, kuuli kuubheraa mwindaa lyaa Yeso nyaa Yeso, kubheeraa mwindaa lyabhe. (Yohana 15:1-10). Kandi, kulii kubhiikiriraa U Mwazi gwaa Mungu mwuu mutima gwaabhe. Iryaa ngaabha miraa idjuzwaa nyuu Mutima Mweeru, lyaa gaabhaa nyii misi yuu kwishaambhagulaa bhyooshi bhyuu moyo nya a mageereerezo gooshi guu bhubhi. Mwiyo misi yuu Mutima Mweeru, lyoo wangaa haash’ishoolomala nyuu Mutima goongoo, Ataakirii kandi mundu whuu kulamaa kwaa bhilyaa agweetee agabhona tii bhilyaa taagwetii agaabhoonaa nyuu kuvaa, akooli laamiree khuu kuubhikiriraa: koo nyaa kuuhimaa twaangaa him’ikihugoo, khuu kuubhikiriraa kwetuu ii mwaa Yeso Kristo. Akooli laamiree khuu kubhikiriraa koo Nahamwetu Yeso Kristo akoolaa bhwaasii bhwoo kuugaaluka. Akooli lamiiree mwuu lukoogoo lwa Mungu, loo nyaa lukoogoo lwii miaka nyii miakulaa.

Naamaa mwaa bhalyaa bhali nyii mitima myeeru, kulyaa bhoo bhagaa bhona Mungu (Matayo 5:8). Mwamii Daudi, kirii akabhaa mbhwaalii gaaziree nyuu kuhimaa bhagaa goomaa bhagee bhoo kuulyooka haandi, nyuu kunigaa Goliyati. Nyii fidjoo zagee zali zuu kuudeetaa ee! Nahaamwetu Mungu, kwaa bhino bhyooshi ngweetee, nzimire nguubhonee. “Kandi daataa, uu mbheez’umtima guulyaa gukyeeree nyuu kuunyeenzaa bhweeru bhoo djeembhe” (Nyimbhoo 51:10). Mundu kwii misi yage yee nenee, ataa

ngaa hashuu kwii kyees'utimaa. Tii, uu meenenee kwee geereraa Mungu bhoo kullii, nyuu kulek'ubhubhi bhooshi, ngaa koo mwami Daudi akaagira, ngaa koo ulyaa mwana wali teeresiree akaa sing'ingulubhe, anyaa gendaa muund'ishee, nyuu kuu muhuun'ulukoo, "Daataa ngaa huubhir'imbingu nyi'imbeereee lya bhee. "Mungu yuu gaa keesim'ukuugwaasaa ulyaa mundu yeeshi whidjir'imwage nyii mbhoonga, kulyaa yeneenee yuu kaadetaa "Ngaa bhaheez'u mutima muhyahyaa, ngaa lyoosaa gulyaa mutima gwaa kagugu goo mwaligweete nyuu kuu bhaheez'umutima gwii mbhoonga, ngaa bhaagiraa bhandu bhoo kuushimbhiimigakoo yani, mugaa kee bhwiraa bhandu koo toondoo ngalibhuzaa bhalyaa bhoshi bhataa nyiimeezirii (Ezekieli 36:25-27). Kyoo Kihaangoo Kihyahyaa Mungu akaabhikaa kuulengeer'umukoo gwaa Mulagalaa wagee Yeso Kristo.

Kandii mugaandaa wa Mungu, abhoonesiree kwaa kinoo kizuzu. Unoo Mugandaa, agweete agaa kooleeraa bhalyaa bhooshi mira bhakaalek'ubhubhi nyuu kuulanga bhalyaa bhaheere Nahamwet'itunda. Nyimbhoo 34:7; 91:11; Daniel 6:22; Matayo 2:13; 13:39; 18:10; Ngooleezi zii Ndumwa 5:19; 12:7-10. Kirii Muzimu nyayee abhoonisiree akii maziree haa bhutambii bhoo mutimaa gunoo mundu, agweete agaaloozaa kushubhiraa hoo aliyooka. Kyoo kitumiree, bhatuuwiziree, mbhoo tutaa gweedjeereee gonegone, kuu malimbhwaa kuli bhandu, kulyaa mugomaa wetuu Muzimu ataa kee huunira "ngaa kanungaa agweete agaa bhahivaa mbhoo aa bhamiregoosee" (1 Petero 5:8). "Mu sheemeereee, nyayee agabhashaga" (Yakobho 4:7).

## 6. KIZUZU KYAA KALINDATUU (PICHA /6)



Kinoo kizuzu, kirii kyuu kugoongomia. Kulyaa kitweeresizee ulyaa mundu wali koolaa mwee mezi, akoolaa kandi kwibheelula nya Mungu nyuu kuushubhiriraa mianyaa yagee yuu bhutazi. Akooli gweete agaaleng'isu lyaage liguma, kyoo kitweeresizee koo migeererezoo yage itakirii yuu mwemezi, akooli gweete agadeetaa nyuu loogoo. Nyii lind'isu lyaage lya labhaa labhaa kwaa bhiryaa bhooshi bhyuu mukihugo. Mwu mutima gwage mutaakirii kyeengee. Kuu tweeresizee koo ziryaa ndania aligweete haa nyanyaa lyuu kulibhuzibhwa kwaa Kiristo kwuu bhubi bh wagee, ataa kii bhirii moo. Unoo mundu, akooligweete aagegeerezaa kandi bhulyaa bhwa nyama mwuu mutima gwage, hoo angaasheemeza Muzimu. Ataa kigweeti'aguuvaa izuu lya mungu, tii likool'izuu lya Muzimu. Kiry'angaabha mbhoo, akigweete agingiraa mwuu lushoo nyuu kuubhishii myanyaa yagee yuu kuusimaa bhooshi bhyuu muu kihugoo, tii, alii haalee nya Mungu, nyuu lukoogoo aligweete miraa akaluleeka. Luu tondee nyii misaliroo yooshi yuu mutima gwagee bhii koolaa mo o kiizizi. Nyaa kati kaa mahagii miraa kaa munyeemeraa bhwenene. Akoolaa mugaazii mwuu mutima, ataakii djiibheenii nya Mungu mbhoo aamwikumbhe, mutima gwagee guutaakiisimiri kuuvaa bhiryaa bhooshi bhya Mungu, miraa akaheerezaa Muzimu misaliroo yagee yooshi, nya Muzimu yuu kooli gweete aagaa muhindaa koo ngaa piraa.

Lii lyaa Ikaangaa, likoolii gweetee ligaa loozaa kuutee kandi lyangaa galukiraa mwii nyumbha yaa liyoo. Miraa kandi unoo mundu, akoolaa nyaa mahuundu bhwenene. Agweetee agibhoonaa mbhuu kulyaa alii mwemezi, tii atidjii koo akakizibhwaa kuu lukoogoo. Kirii bhulalwee nyabhoo geekee bhukiigweetee bhuga mushimbha. Kwaangabha haali mwiiraa waagee uugweetee ugaamutebhaa mbhwanywee tuusu, nyuu kumubhwiraa mbhuu maavuu gaalii midjaa. Atidjii koo nyootaa yuu bhulalwee, iriii ngaa hyaa lwidji hiriyaa hii gaa shyookeeraa mwuu lwidji luneenee, bhoo bhulalwee. Kandirii nguu mukaazi uugweetee ugaalaalus'ibhaa nyaa bhira bhagee, nyuu kuudeetaa koo uyee utaakeenywaa maavuu alii kiizeeze kiriyaa kitaalii nyuu bhwengee Bhuu shuulee nyabhoo nyii migeererezoo yaa, nakuuzimu yuu kuumulyoosaa mwuu bhwenneezi, yii mukoolaa moo. Akooli gweetee agaasimaa bhalya bhaa keeduukaanaa nyaa bhalya bhakeeregeereraa ii mihizoo ituumeeneeni nyuu kuu bhand'ingoomaa, kwiimbhaa nyuu kuubhinaa. Kwaangaabhaa bhagweete bhagaa mubhwiraa mbhuu akeebhin'inyimbhoo zii kizungu, ziryaa bhasosii nyaa bhakazii bhakeegwatanaa, tii alekee kubhin'inyimbho zi'imwabho zoo zibhihiree bhwenene. Kuunyw'irambha, lubhuumbhi nyaa kapoondoo bhyoshii bhibhihire, kirii wangalinywaa mushi kandiri bhushigi, bhyoshi bhibhihire. Nahamweetu Yeso atakaanyw'itabhi, nyulyaa mweemezi yeeshi, atuumeeneeni kunyw'itabhi.

Muzimu yehee, agweetee agamuteebha nyuu kumubhwira mbhuu kiri wangashaata nyuu bhuhhi, nyuu kushuleehaa ligumaa bhitalahilirwe. Iryaa ngab ha Muzimu agweetee agakubhwira kambhwehwe mbhuu ushule ehee, ukimera, haaho, iri mira akugwataa mubhunde, ukoolaa wage kandi.

Kwa kinoo kizuzu, kuli mundu ugweetee keere nyuu kuukaashooshaa mwuu mutima, koo kweegeeresizee bhalya bhandu bhashoombhir'Ubhwemezi. Bhagweetee bhagalyaniz'umutima gwage nyii miazi yuu kushoongeeleranaa. Atang'imeera malyoogo, kusheekwaa nyaa kagaayanisoo kaa bhandu, kiryaangabha bhuu bhira bhage bhoo bhagweetee bhagabhideeta. Anyatoondeere koobhoha bhandu kataluka Mungu. Iri wangasimaa bhandu kataluka Mungu, unyabhe mudja waa yabho bhandu.

Kwaa yibhyoo bishazi, bhutee nyii shoombhoo bhyeeresizee koo mushuuzaa nyaa malibhu gaakooli loozizee mbhu kandi gaa mweegereree. Madaki nyuu kuudukanaa bhya kooli gweetee agaadeeta, ngaa koo ali keekuza Mungu nyuu khuu mwikumbha. Muzimu agweetee agaloozaa hyaa kaheengeezo hyuu kwingiraa, lyoo iyoo ndjooka yuu bhoongwaa ibhoonaa hwii ii gingiraa nyuu kukoom'ikiziki lyoo zindii nyaazoo zingiraa. Nyuu kusimaa mageetaa nyaakoo miraa kwaa mukooloobhol'ibhirumbhu, ngaabha akeengeeree koo Nahamwetu Yeso akadeeta. "Mutaa gweedjeeree gonee gonee, muhoozee, mutiingiree mwii migerekoo" (Matayo 26:41). Kuulyaa irii wangiibhoonaa kuuli mweemezi, umanyee uleek'ibhaa mudja whuu bhuhhi" (1 Bhakoolindo 10:12). Tumeeneeneenee kwaambhal'utushigabhoo tooshi twaa Mungu, lyoo twaangii yeekii miambhii yooshi yuu lyaa Muzimu. (Bhaefeso 6:11-18; 1 Petero 5:8,9).

## 7. KIZUZU KYAA KAALINDAA (PICHA YA 7)

Kinoo kizuzu, kitweereesiz'ishusho ya bhandu bhabhiri nyii mianya yabho. Mugumaa alikolaa mwemezi, kandi anyaa galukiraa mwii mianya yuu kuukoolera Muzimu. Nyuunoo gundii, atalishazii kwibhera mwemezi kiryakabha mbhuu alikeekuvaa ii Nyigirizo, tii anyabha hwa kagugutima. Yeso, yee nenee, akadeetaa hanyanya lyuunoo mundu, miraa ukiimeeraa nyuu kushubhir'inyumaa ngaa sheezi. "Masigo, iri gangaa mubhalalakoo, ganyaa teegeendaa gagalozaa hoo, gagaluhukiraa, nyaa hanoo gatabhoonaa hoo gagootaa, gaa nyadeete mbhuu twalikwishubhiriraa mwiryaa nyumbha yeetu. Gaakashangirya nyumbhaa ii hyaagirwee, gaa nyaageendi kwaangaa gandi masigo galindaa galyaa gamuhiimir'ubhubhi, nyuu kwidji kwibheereraa muyee mundu. Nyuuyee mundu anyabhee mubhi kutaalukiza". (Luka 11:24-26).

"Koo, kuli ngaa gulya mugani udeesiree koo, akolaa ngaa kabhwa kalya kashubhira mashazi gaaliko, nyii ngulubhee yalikeeshukwaa kandi igweetee igivuleegeezaa mwii kidjaga" (2 Petero 2:22). Lusarango luutweereesiz'imianya yuunoo mundu. Bhuhhi mira bhuu kaalemahy'umutima gwage. Kiri masu gaage geeresizee koo atakiri mwemezi. Mutima Mweru gwaa nyaa mulyokamo, kulya Mutima Mweru guu taangashambhira nyuu bhuhhi. Hali mbheerelukaanue hashambhir'ikizizi nyii kyeenge. Muu mutima mugumaa mutangabha Lusho Iwa Mungu nyaa kagombhee kaa Muzimu. Muganda hwa Mungu, goo Mwazi gwaa Mungu, bhyanyiryokera muu mutima gwage, iri akeebhegaanaa, annyatfaa bhutee; tii, anyabhiik'ikirangaliree koo toondoo unoo mundu agakigalukaa nyuu kwimeera Yeso, ngaa koo ulyaa mwana waliteeresiree; anyiishubhirir'imwabho nyuu kuhun'ishee amukoogee kulyaa alikoligweetee agashambhir'ubhulyee nyii ngulubhe nyaa ndaayee wali keekimulolaa koo.



Anyii shungulaa nyuu kudeeta. “Ngoolaa ngiigaalukir’imwetu, nyuu kuhuunaa daat’ulukoogoo; ngaa mubhwira: Daata, ngaa kuhubhira nyuu kuhubhir’ingubha: ndaa kyuumeeneeni kandi kuu bhuuziwa mwanaa wabhe.” Kuu kwishungulaa kwage nyuu kuu kunuulukoogoo. Ishee anyaa mukooga nyuu kumugashanira.


Kinoo kizuzu kyaa kalindaa, kyeeresizee khuunoo mundu mwuu mutima gwage, mutakiri kuhahala, nyii migeererezo yuu kushubhirira Mungu nyuu kufukamaa imbheree Iya Yeso, mbhoo ahun’ulukogoo. Ataa nyaa kidji koo tondoo agafa. Akoola bhitwitwi, ataangaa nyaa kyuv’izuu Iyaa Mungu lilyaa ligweetee ligamubhuuza mbhoo agalukee. Ali muhuutaa atagweetyiagabhonaa izibha lyuu muliro liyaa libhisirw’imbheeree Iya bhandu, ataa nyaa kirii nyii shooni zuu kuugir’ubhubhi. Muzimu miraa akabhik’itfumbhi kyaa ka libhwami muu mutima gwage. Kirii kuukuunoo, agweetee agibhonaa kwaali mwidja kwii shuushoo yuu moyoo, tii, shuushoo iyoo, kirii ngaa kyuushoo, ii mbhugaa kiishiizirwee mbhembhaa nyuu mukuzimu muli mavuhaa guu mundu. (Matayo 23:27). Ishee huu bhushumi yuu kooli kooteree kwii kitfumbhi kyuu Mutima Mweru, gulya gukuli Kira hyaa nyamaa nyaa masigo, bhyoo bhigweetee bhigagwasa Muzimu kubheera muu mutima guunoo mundu. Kiryangabha mbhoo unoo mundu agweetee agiyokoobhola, atangilyosa mwaa bhunoo bhudja bhwa bhagweetee bhagamulibhuza.

Tii, mira lushuunguu lwuu kuli, lwaa muhikira. “Ulyaa yeeshi, ukalahiraa koo Musa akaa deetaa, kufaa agafaa, kuu kushimbhanaa nyaa bhasubhuraa bhabhiri kand’irii bhashatu. Kuutaagee muubhwinee? Mutaa bhwinii kuu yee mundu umeenenee kufaa kulya kandi alibhuuza Mugalaa Mungu kabhirii nyuu kugaayirizaa yugoo muko gwage gwii kihangoo koo guli bhusha, nyuu kugayiriz’U Mutimaa Mweru guu lukoogoo?” (Waebraniya 10:28,29) kandi 2 Petero 2:1-14 !

Ee, mirani musabhanuzi, iryaangabha nyabhe ukiri mwinoo shuusho, ulirree Mungu mwuu mutima gwabhe akuu lyosizee iyo shuusho mwinda lyabhe! Kulya angaa hashaa kukulyosa mhwoo bhubhi nyuu kukushukaa ubhe mweru bhudjembhe, kulya agaa kuhez’umutima gwii mbhonga. Ali nyuu bhusha bhoo kushweka Muzimu haguma nya bhaganda bhage nyuu kubhahiva bhalyokee muu mutima gwabhe, iri wangimera koo Mungu ali nyaa yubho bhusha. Whii djagee i mwaa Yeso, ngaa koo ulya mundu whuu luu kuu moyoo, akidjira Yeso nyuu kuu mwinginga. “Ukaasima, wangaa ngiza!” Yeso, anyaa mufir’imbhonga, anyaa mubhwira. Ndoozizee, ukiree!” (Mariko 1:40-42). Tii, iri wangaa geendeerera kubha nyaa katima, nyuu kusim’ikizizi kutaluk’ikyeengee, hatakiri kandi kalangaalizi imwabhe kuu, kugendaa kuu ngubha, kulyaa waloondol’ufu kutalukaa kalamo, nyi kizizi kutaluk’ikyeenge.

#### 8. KIZUZU KYAA MUNANE (PICHA YA NANE 8)

Hanoo haatweeresizee mundu whuu bhubhi ulyaa waa kagugutima, akalaa hasi lyuu kufaa, agweetee agatoongaa bhweenene, ali nyuu bhoobha bhwoo kufaa. LUFUU, mira lweeresa koo akoolaa mavuhaa nganaa, atanyaa kiri nyaa kalangalizi, kandirii misaliroa yooshi. Akaa ligalir’umundu, anyaa bhoonekanee kwali nyii, nyifidjoo.



Bhubhi mira bhukamutal'ukuu lugero. Luheembho lwuu bhubhi kuli kufaa. Nyaa malibhu giyoo munda, kuli kuukaabhulwa mwii kinyadja kyu muliro, yoo nzingamizi yuu kuu mutima nyuu moyoo. Akooligwetee agifidjaa kwikumbha, tii, akoolibhwinee koo atakiri nyuu luhizii nyaa Mungu. Luuhizi nyuu lushuunguu lwaa bhira bhagee bhwoo mukihugoo, khikoolaa bhusha, bhitagaa kimugwasa. Bhugale bhwage nyuu kugeendaa agaloz'indjuma, bhitganga kiimukiza nyuu kumuhezuu luhuuma nyau mushengeera gwuu mutima. Kiryaangabha mbhuu agweetee agagira mbhuu, akeengeeree Mungu, Muzimu atamuheerii luhuuma. Kira kandu kooshi kali simiree muu kihugoo, bhyoshibhikooligweetee bhigamutaa kahoogo. Kiiri nyuulyaa mungeeree wagee whuu bhushumi bhwoo mukihugo, indabhyo angaa kimugirira. Ndania zage zoo zizino. "Ziri namaa mbhii kuteerekera mwaa mabhokoo gaa Mungu whuu kuli." (Bhaeberaniya 10:31). Yahoo haa ngingoo agweedjeere nyuu kulindil'ulufuu, akabhoonaa koo ndakoo angaakigira mbhuu imeeree Mungu. Bhandu bhihuumbi bhagweetee bhagafaa bhuutaalwala, bhataanyalii nyaa magereerezo guu kulooza Mungu. Bhin gii bhaakeefaa kitandaala. Kyaatumaa bhatuwiziree khuu kuunoo. "Loozaa Nahamwetu, khulya akirihoo, mubhirangiree akirii haasi!" (Isaya 55:6).


Unoo munduuvaa afaa, kulya ataakiimera lukoogoo lwa Mungu koo luli hoo, atanyaa kisimiri kuv'ulushunguu lwaa Mungu, izuu lhyulyaa ugaa mulibhuuzaa yoo mihweerengee irii mwaa matwiriii gage "Ndyookeeraa wee miraa ukaadakwa, ugendee mwaa mahyuu gii miakaa nyi makuula, yagaa akabhikirwa Muzimu nyaa bhagaandaa bhage" (Matayo 25:41). Uu manyee koo bhandu kufaa koo bhagafaa, nyaa hano bhafaa bhulibhuzee (Bhaeberaniya 9:27).

#### 9. KIZUZU KYAA MWEENDA (PICHA YA KENDA)

Hanoo hoo, tuubhwinagee ii kizuzu kyyu mweemezi hwuu kuuli, ulyaa ukaasimika nyuu kuhimaa kanaa mutangwee khuu kulyanirwa. Akaa lengaa mwii bhishuushaa bhangi, tii, anyabha muhima. (Matayo 24:13). Muhimaa, nyuu bhumuhimaa bhwage, bhukaa lyookeer'imwaa Yeso Kiristo (Bharumi 8:37). Ataali keegeendaa kanamwitangwee khuu bhwimeezi, tii, ali keegeendaa kanamutangwe khuu kubhikirira, nyuu kulangaliraa Yeso, uli ndoondeere nyuu gaa himb'ubhweemezi bhwage, lyoo agaa nyaa malil'ugeendoo lwage (Bhaebheraniya 12:1,2; 2 Timotheyo 4:7).

Muzimu nyii kikeembhee kyaage, bhasosir'umutima guunoo mwemezi, mbhwuu kandi bhingiree moo, tii, bhatakihaahiri. Mahundu, kusimindjuma nyaa mageererezo guu kushuleha, bhikooli mweegeeere. Hoo kabhwa ny'ingwi bhyali, haakoli KIHEEBHE nyii PUNDA Kuu tali kusomeerwa, kuly'ubhub hi, bhwa kee kwihinduulaa mwi shuushoo nyingi. Tii; mwemezi mwii ndooleezi yage, anyaa manyee koo bhunoo bhuli bhubhi, kiry'angaabha mbhw'etu bhwemezi nyuu kubha ngaa mugandaa hwii kyeenge. Mwazi gwaa Mungu nyuu Mutima Mweru bharii mwuu mutima gwage, bhigweete bhigaa mweeresa bhira bhidja nyii bhibhi. Luuhaandee lugumaa irii bhwanyama bhushuusiree masigo, bhugweetee bhugeeres'umwemezi bhwa bhandu bhugweetee bhugabhinaa, bhunyaa fumbheetee kahee kaa mavuu nyuu kuu bhinaa kabhundu bhundu. Tii, yibhyoo bhyooshi, mwemezi abhibhwinee ngaa bhushaa, kulyaa mira akimera Yeso nyuu kusiganaa nyii bhyu uu kihugoo. Akooli kwibhisiree ii mwa Mungu nahoo. Guundi munndu agweetee agamudakira, kumushuumiraa, malyogo guu kumulyogoza mbhuu atakibhee mwemezi. Tii, yeneenee, akee kwihooleza nyaa koo Yeso akadeete. "Naama ii mwenuu mwee bhakee hiririkwa nyuu kuu bhadeeter'ubhushumi hanyanyaa lyii zinaa lyani. Mushagaluukee nyuu kubha nyaa

mageenee bhweeneene, kulyaa luuheembho lweenu luli lwingii bhweeneene kuu ngubha (Matayo 5:11-12).



Bhubhi, Muzimu nyuu mooyo, yibhii bhishatu bhyoo bhyakee lyoos'umunduu mwuu lukoogo lwaa Mungu. Tii mwemeezi umeeneenee kudeeta nyaa kalaangalizi kooshi, koo ndayee yeeshi wangaambheeluulaa nyuu lukoogo lwaa Kiristo? Kaa, malibhoo, bhikayuu, kulibhulaa, mweenaa, bhwashii, nyifidjoo kand'irii kabhungoo? Yibhyoo bhyoshii bhitangaa shubhiz'umweezi ii nyumaa. Tii, kotalukaa bhyoshi tullii bhaa muhimaa, nyuu kuhimaa kwetu, kulii ii mwaa Yeso (Bharumi 8:35-37) kand'irii 38 nyaa 39 nyuumoo mwuu Bharumi 8. Ambhal'isiribho zoshi za Mungu, lyoo wangahasha kubha muhimaa, kulyaa Mutima Mweeru guu gaa kuheez'imisi. Yuu kuhiimaa bhishuushaa bhyooshi bhyuu moyoo. Kulyaa akoolibhwinee koo Kiristo ali mwinda lyage, kulyaa yuuli nyii misii kotaluka Muzimu. Yeso Kiristo akaa himaa Muzimu, bhubhi nyuu lufuu. Yeso Kiristo yee muhimaa weetu, nyaa hanyanyaa lyage, suugaa mbhazibhw'ikimani kyya kaalamo kiyaa toondoo kitagaa shaadja.

Lutondee lwuu mutimaa gwage, lwuu gweetee lugaa langaashana. Mutimaa gwagee guukoolaa nyaa mageenee mingii guu Mutima Mweeru. Nyuu mugandaa waa Mungu ulyaa hwiimaziree haabhutambhi bhwage, agweetee agamukeengeezaa bhilyaa bhyooshi abhikirwee hanoo ahimaa. (Bhwigulee 2:7,11,17,26; 3:5,12,21).

LUVUMBHAA LWII NDJUMA, lwali funyirwee, lukaashweekulwaa, bhyeeresizee koo gutali mutima gwage nahoo goo akaa heezaa Mungu, tii, nyii ndjumaa zage zooshi, ziryaa zooshi alikeeteera kuu bhyuu mukihugo, akoli gweetee agagabhira bhakeenee nyuu kuhaan'imiengoo ii mwaa Mungu nyuu kuzihaanaa khuu mukolwaa gwaa Mungu. Bhyaagee bhyooshi bhikoolaa bhya Mungu. Ataa kee kinywaa mavu, itabhi nyaa kiraa ka anduu kooshi khuu kulalusa. Mutima gwaagee mira guu kaakyaa nyuu kubha mweeru bhudjeembhe. Atanyaa kee kihusaa mwii mishaanganano yuu kwikumbha Mungu. Ii, mwagee munyumbha lukoolibha lushoo lwuu kuhooleza Mungu. Akoolibhaa ngaa motoo, iry'itangaalaamir'imutazi. Kwii kuumbhaa nyuu kusongeeheeza Biblia ibhuguu lyaa Mungu lyoo likoolibha ndandaa yage yuu kwiyikira nyaa medji guu kuunywaa. Mwazii gwaa Mungu, koo kamoolee khuu kuumweerees'indjira, kidjabhoo kyuu kuhimaa Muzimu, bhoo bhulyee bhwagee bhoo mutima bhoo kulyaa kiraa lusiku, bhulyee bhwa kalamo nyaa meedji guu kutfi nyoota. Kira hii shaazi, akeekwidjabhadika mwaa yagoo meedji, Mwazi gwaa Mungu. Nyaa yugoo Mwazi gwaa Mungu, guu koolibha kyoo kirooleeroo kyuu mutima gwage kyuu kuulooli irii agweetwee nyuu bhoo shaashaa.

Akooli simiree kubheetulaa yakoo katii kaa mahaagi, kalyaa kagweetee kaa gaa mukeengeezaa koo, akaa nagaaniikwaa nyaa Kiristo, nyuu kuufuka nyaa Kiristo, lyoo ashoomoolaa mwaa kalamoo kaa hyihyaa, koo kituumiree agaa loozaa bhyuu kungubha, bharya ataazibhoonaa bhii miakaa nyii miakuulaa. Kyaa tuumaa agweetee agiyodjookoolaa mbhuu lyoo abhoonana nyaa Mungu. Unoo mwemeezi, ali ngaa kati kalyaa kakaa bhyalwaa habhutambhi lyuu lwidji, kaa keedjoodjeekaa kiraa kyaanda. Kandi al'itaabhi lyuu kuli, lilyaa lyaa keehaa. Lukoogoo lwaa Mungu luu mwidjwiree bhwenene, kyoo kinyaa tumiree atoobhaa kufa. Loolaa Nyimbhoo 1:1-5; Yohana 15:1-4; 1 Yohana 4:18-21 !

## 10. KIZUZU KYAA KAALI KUMI (PICHA YA KUMI)



Yeso akaadeetaa khuukuuno “Niee yukoo kufuukaa nyaa yakoo kalamo; ulyaa uganyiimeera, kirii, angaafaa, agaabha mugumanaa, nyuulyaa yeeshi ulamiree nyuu khuu nyiimeera, kiry’angafaa, agabha nyaa kalamo kii miakulaa” (Yohana 11:25-26). “Nyuulyaa yeeshi ugweet’uguuvaa uu mwazi gwani nyuu kwiimeera ulyaa ukaa nduumaa, agabha nyaa kalamo kii miakula, atagaa nyaa kilibhuzibhwa, miraa akaa keeng’ulufuu nyuu kwiingiraa mwaa kalamo” (Yohana 5:24). Mwii meezi ataa kiri nyuu bhobha bhwoo kufaa, kulyaa mira lufu luu kaa himwaa. Hanoo tuhikaa kungubha. Tugabhuz’ulufu. “Ewee lufuu, bhoo mhimaa bhwabhe bhulii hahee? Nyuu kulyaniza kwabhe kuli hahee? Mungu, agaanwue, kulya akaa tuheez’imisi yuu kubha bhamuhima kwii Ziinaa Iyaa Nahamwetu Yeso Kiristo” (1 Bhakolindo 15:54-57).

Ulyaa yeeshi whibhisiree mwuu Mungu, ataangoobhohaa uu lufuu. Kiry’angabha mbhoo akoolaa bhwasii bhoo kuu djeegerera nyuu kulyooka muu kihugo, agababha nyuu bhusimee kulya aligeenda mwaa kayaa nyuu mwii nyuumbhaa yii miakula. Nduumwaa Paulu akaadeetaa khukuhoo “Nzimiree kwiigeenderaa nyuu kuugend’ibheraa nyaa Kiristo, koo khuu meeneene” (Bhafilipi 1:23).

Mwii meezi, akeesimaa kubhonana nyaa Yeso, Ulyaa ukamufira kwa kati kaa mahagi nyuu kumushuukaa nyuu mukoo gwage. Nyuu Mutima Mweeru nyago guu gweetee guu gaa mukeengezaa koshi koo Yeso akaadeeta. “Mutaa goongoomwee, mwii meeziree Mungu, nyaani munyiimeeree. Ii, mwaa Daata irii bhiziiki bhingi, ngaa bhitaali yoo, nyangaa bhabhwiziire. Nyaa geendaga khoo bhuhakira, hanoo nyuusaa, ngidjii bhangaa nyuu khubhatwalaa hoondi, mubhee halyaa nyiiri.” (Yohana 14:1-4). “Bhiry’isuu litaakaa bhoonaa nyuu kuutwiiri kuuvaa, nyaa bhanduu bhatakaa bhisiimbahaa, bhoo Mungu akabhwiraa bhalyaa bhamusimiree.” (1 Bhakolindo 2:9). Munoo muu kihugoo kyooshi, indaabho bhangaahaashaa kweeresaa uu bhwidja bhwa yizoo nyuumbhaa Mungu akuubhakiira bhalyaa bhaa muhimaa bhakiimeera Yeso Kiristo munoo muu kihugoo.

Kinoo kizuzu kyaa kali kumi, kituu keengeezizee ulyaa mundu ukimeeraa Yeso, akoola agigeendor’imbhingu. Iryaa mikoongoti yoo twali kee koobhooa kwii kizuzu kyaa munaane, mugandaa wa Mungu yuu kooli bhooneesiree yahoo. Akooli lindiree ateer’umtima nyuu khoo gugeendan’imwa Mungu. Miraa ashweekulwaa, kiri lufuu lutaa ngaa kimuhika koo, itwaalirwa kuu geend’ibheera nyaa Yeso, ulyaa ukaamusima nyaayee anyaa musima. Egeerezibhwaa ii mwaa Mungu nyaa kaabhuuli, anyuuv’izuu Iyaa Nahaamwabho ligaa mubhuuza. “Idjaa wee mweemezi mwidja nyuu mukoozi mwidja, ingiiraa mwaa yakoo kayaa kaa mageenee gaa Nahaamwenu.” (Loola Matayo 25:21)! Muzimu, atangaa kii mutebha kandi. Kufaa khoo mweemezi kullii nyii kishiingoo bhweeneene imwaa Mungu (Nyimbhoo 116:16). “Nyaa nyuv’izuu kulyookaa kuu ngubha kudeeta. Sarangaa. Naamaa kwaa bhalyaa bhakaafa bhanyiimeeziree Nahaamwetu kulyookeera bhootazi. Koo Mutima Mweeru guu deesire. Bhaa luuhooke, bhataakibhe nyaa malibhu kandi, nyuu kooshi koo bhali keekoola khoo bhashimbhuree” (Nwigule 14:13).

Miiraani hwoo kusabhaanuraa lin’ibhugu, Mungu akuugaashaniree uheezee Nahamwetu Yeso mutima gwabhe, kulya akadeeta: “Ee, mugalaa wani, mbheez’umutima gwaabhe!” (Miganii 23:26). “Nyabhee wee munyeeree wani, mbheez’umutima gwaabhe!” Kulyaa asimiiree khukuu heez’umutima mwidja. Utakiibhee nya mageererezoo gwuu khoo kutebha. Muu hwidja, atir’itebho, tii, ubhe nyuu lukeengee (Miganii 28:26). Leek’ubhubhi, ushimbh’ukuli “kulyaa luheembhoo luu bhuhhi kuli kufaa, tii, kigaabhi kyaa

Mungu koo kalamoo kii myaka nyii myakulaa ukaabheeraa mwinda Iya Kieiesto Yeso Nahamwetu" (Bharumi 6:23). Nyabhe, wee mwiraa wani, wee miraa ukaaheeza Mungu kalamoo kaabhe, adeesiree khuu kuunoo: "Ukaniee yirw'ihanoo ngaakuhaanulaa, ubhikiriree nyuu kubha nyuu lukoogoo lulyaa lukalyook'imwa Kiristo Yeso" (2 Timoteyo 1:13). Kulyaa wenenee hwidji Indee ukimeera, nyuu kuumutundirika kulya atangaa kwibhagira kulyaa mukaa nywaanaa kuhiika ijdikwanga. Mwiraa wani, simiikaa, ushiimbhee koo tukaa kuhaanulaa ihaanoo lyuu bhwimeezi, nyuu kwiikuumbhaa mwuu Mutimaa Mweeru, whii kaniee mwaa yuloo lukoogoo lwa Mungu, uasigaaga Yeso, yoo ndoondeero goo nyaa muluko gwuu bhwimeezi bhwetu, Mwami wetu ulyaa ukooli kwidjiree (2 Timoteyo 1:12; Yuda 20; Bhaibheraniya 12:2).

"Yeso yuu gaa kee bhalaangaa, mutasitaalee, nyuu, kuu bhiimangikaa mwuu bhulangaashanee bhwege bhulyaa bhutali nyii ziingaa lyooshi nyuu kushagaluka bhweenee, Yee Mungu ndooka, Mukizaa wetu Yeso Kiristo Nahamweetu, yuulii nyi'ituundaa, bhuu kuulu, bhuu haashee, misi, kuyo'ikii myaka, nya kiri zeene nyuu kuuhikaa tubhee nyii myakulaa! Kubhee" (Yuda 24-25).

A SPECIAL WORD FROM ANGP  
UN MONDE SPÉCIAL DE L'ANGP  
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.





Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.

For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

[www.angp-hb.co.za](http://www.angp-hb.co.za)

[info@angp.co.za](mailto:info@angp.co.za)

ALL NATIONS GOSPEL PUBLISHERS  
P.O. Box 2191  
PRETORIA  
0001  
R.S.A.

A Gospel Literature Mission financed by donations  
Une Mission de litterature evangelique financee de dons  
Missao de literatura Evangelica financiada por donativos

(Reg. No. 1961/001798/08)

The "HEART OF MAN" books can be viewed and downloaded using the following link:

[www.angp-hb.co.za](http://www.angp-hb.co.za)

DOWNLOAD BOOKLETS: [www.angp-hb.co.za](http://www.angp-hb.co.za)

ORDER FREE LITERATURE: [info@angp.co.za](mailto:info@angp.co.za)

page 17 of 17 pages